

CANNEN SPIRITUEL

AR BUHÉ

SANT ALEXIS

CANNEN SPIRUEL

AR

BUHÉ SANT ALEXIS.

En n'emb a gâr Jesus a greisic é galon,
Hac a ven bout eurus aveit jamæs guet-on,
Considereret erhat buhé sant Alexis
A ziscoei d'emb reili-mad en hent d'er Baraouis.

É Rom é oai gannet a guerent forh puissant,
Péré oai istimet guet en ol dud vaillant;
Rac é vivein erhat, avel guir Christenion,
E tiscoent example vad partout dré er hanton.

En dud necessitus hac en intanvézet,
Er beurerion méhus bac en orphelinet,
N'ou doai quin recour meit é ty Euphemien,
Aveit cayouit secour ha torrein ou anquin.

Forh pêl é vivezant hemb ou devout ligné;
Pedenneu a rezant liès d'en Eutru Doué,
Mar pligehai guet-on rein ur broaidur dehai
De gonsolation er rest a ou buhé.

A la fin Doué touchet dré en oræsoneu
 A rent dehou bamdé , hac ou alézoneu ,
 A ras ur mab dehai péhani a vivas
 En durant é vuhé én ur santeleah vrás.

Er hroaidur Alexis a rai mercheu abret ,
 Durant é youanquis é tisprisai er bet :
 Dré é vuhé réglet , ean a rehai d'antan
 Penaus é oé gannet aveit devout ur Sant.

Euphemien é dad , pe zas en ouaid dehon ,
 Quentéh é houlenas ur pried aveit-on ;
 El m'en doai puissance hac assès a vadeu ,
 Ean e vennas avance é vab én inourieu.

En Ampereur a Rom en doai ur Brincès ,
 Hac a oai deit de chom devat-on d'é balès ;
 Ur verh santel e oai ha carguet a zoustér ;
 Hac open en dra-zé , é oent ou deu a guær.

Er Prince Euphemien hi hanavai rèh-mad ,
 Hac a yas d'hi goulen aveit pried d'é vab :
 Er Roué Honorius a rescondas dehon
 Penaus é oai joyus ma vezai reit dehon.

Nezé Sant Alexis, aveit pligein d'é dad ,
 A ziscoas é peb quis é oai ur hroaidur mad ;
 Car ean a gueméras Olimpi eit priet ;
 Mæs guet ur glahar bras en dout hum ingaget.

Eun en doai a chom é durant é vuhé
 Guet é bried é Rom, é léh chervigein Doué ;
 Mæs imbèr hum gavas é creis é liberté
 Dré er péh a gleuas a berh en Eutru Doué.

En noz quêt éredein Doué a gonzas doh-t-on ,
 Eit en avertissein , dré révélation ,
 De guittat é bried hac é ol palésieu ,
 De zisprisein er bed hac en ol inourieu.

Car , allas ! Alexis , emé en Eutru Doué ,
 N'en dès nitra hemb pris meit en éternité ,
 Hac aveit bout eurus petra chervige doh-hui ;
 Ma ne gâret JESUS mui aveit Olimpi.

Er Sant à pe gleuas er révélation :
 Quentéh é commanças larein a ûir galon :
 Ah ! ne houlenنان quin , me Jesus guirion ,
 Ah ! ne bouleunan quin meit hou permission.

Men Doué , me zou coutant a guittat er hanton ;
 Ya , me zou coutant a greisic me halon :
 Aveit tad m'hou quémér , Jesus Salvér er bed ,
 Ha hui , Guirhiès santel , aveit mam ha pried .

Nezé Sant Alexis , hemb tardein ur momant ,
 Hemb laret é avis hac é ûir santimant ,
 El ma hai a ziblas é conzas doh é voës ,
 Pêhani a gavas ér gambre ag é balés .

Quer serm é cred é Doué , èl un AEL ag en Neu ;
 Jamæs chonge n'en doai a vleissein é ineu ;
 Ean a ras seulement d'Olimpi é bried
 Ur groéz eur a bresant hac é bizeu aered .

Nezé é sortias hemb laret mèn é hai ;
 È eur a gueméras hac er péh en doai .
 Guet eun a vout guélet é tiblassas bean mad ,
 En habit deguiset , ér mæz a dy é dad .

D'ur porh mor é ridas beannan ma ellé ,
 Hac éno é cavas , dré bermission Doué ,
 Ul lestr aveit diblas ér mæz ag er hanton ,
 Hac ean hum ambarquas a greisic é galon .

Quétan doar a gavas a oai Loadicé ,
 Hac ino é quérhas hac en noz hac en dé ;
 Idan volanté Doué hac é vam er Uirhiès ,
 E arriyas nezé ér guær hanyet Edès .

Enou é partageas é mesq er beurision
 Argand ha madeu bras, péré a oé guet-on ;
 E zillad hac é eur hac é ol habideu ,
 Ean ou ras d'er peur aveit é billotteu.

Nezé é has chué de glasq en alézon
 A zor de zor bamdé é mesq er beurision ,
 Hac a p'en devezai mui aveit nécessær ,
 Ean en distribuai d'en dud clan dré er guær.

E porchet un ilis hac a oai forh hantet ,
 E oai é logeris hac é ol darempret :
 Inou é oai placet ul limage d'er Uirhiès ,
 En doai queméret aveit Avocadès.

Durant ma oai loget er peur queah Alexis ,
 En ur guær divroet , é porchet un ilis ,
 E bried Olimpi , é dud hag é ligné ,
 A oai é melconi hac en noz hac en dé.

El un druhunel peur en dès collet hé far ,
 A ûélet drest en deur é hirvoud ar ur bar ,
 Er guis-cé é clevet Olimpi é ouilein ,
 Hemb repos na coussuet, hemb ivet na daibrein.

Euphemien é dad, a p'en das de gleuet
 E oai quitteit é vab hemb laret tra erbet ,
 A gassas mehuelleu quasi ol dré er bet ,
 De oulen queuelleu, é chongeal er havouet.

El ma oent díbarès, fidel ha diligeant ,
 Int a yas de Edès é léh ma oai er Sant ,
 Hac en ou hanavas hemb disclériein dehai ,
 Ha memb a houennas en alézon guet-hai.

Nezé en hum denna ér mæz ag er porchet ,
 Hac a drugairécas Jesus én ul laret :
 Joé a mès ém halon n'en don quet hanavet
 Guet dén a me hanton na guet me mehuelllet.

E durant sentec vhai é oai er Sant ino ,
 E vihuein ér guis-cé, hemb chongeal én é vro ;
 Mæs anfin er guéris reih mat a hanavas
 Santeleah Alexis doh é benigen vrás.

En Image hont a oé é porchet en ilis ,
 A revélas un dé santeleah Alexis ;
 En inour er spontas ér guis ma rai perpet ,
 Rac-cé ean a guittas guet eun a vout trompet.

Ean en hum ambarquas én desir de monnet
 En tural d'er mor bras, forh pêl é perhindet :
 Mæs, allas ! en tourmant hac en ahuél contrér
 A zegassas er Sant diar er mor d'er guér.

Ér porh mor a Osty é arrivas quetan ,
 Èr vro a Intaly , pe chongeai bihannan :
 Nezé é commanças ouileiu dré er galon ,
 Quentéh ma hanavas é oai én é ganton.

Me uél Rom, e m'ean, me uél palès me zad ,
 Pêlla tantation , ne fal quet d'eign tostat ;
 Petra rein-mé breman, me Jesus, me Salvér ?
 P'en don deit bet-aman, ha me yei bet er guér ?

Avance ardéh mad, emé en Eutru Doué ,
 Querh de balés a dad ba ma conservo mé ;
 P'en dous bet fidel d'eign durant te ol poénieu ,
 Jamæs na télezein én ha tantationeu.

Alexis a sentas hemb resistance erbet ,
 Doh er vouéh a gleuas a berh Salvér er bed ;
 Raccé é retornas dré é gousantement
 D'er memb bro a guittas dré é gommadement.

Pe antréas é quér, quêt ma ras tra erbet ,
 E pedas é Salvér hac é Vam beniguet ,
 De rein ur græce dehon , d'er goarantein perpet
 Doh en tantation ha finesseu er bed.

El ma tai Alexis a hobér oræson
 Er mæz ag un ilis ha poén é galon ,
 E rancontras é dad guet é serviterion ,
 Er guis ma oai é stad hac é gondition.

Er Sant a p'er guélas a yas de gonz doh-t-on ,
 Ha guet un doustér vras é lavaras dehon :
 Eutru , me zou carguet a bep sort peuranté ,
 Hac ér guis ma huélet mé mès nécessité.

Eutru, cleuet e mès , p'en don deit d'er hanton ,
 Ne refuset jamæs nitra d'er beurision ;
 Hanvet oh a viscoah tad en dud affliget ;
 Hui a husq er-ré nuah hac en orphelinet.

Hac e mès queméret en hardéhtet ehué
 De zonnet d'hou cavouet é creis me feuranté ,
 Aveit hou supliein , é hanhue en Eutru Doué ,
 De rein logeris d'eign er rest a mem buhé.

Er Prince Euphemien hemb hanaouit é*vab ,
 Ne glasquai nitra quin meit gobér œvreu mad ;
 Hac a gommandas rein ul logeris dehon ,
 Hac open e ras soin d'ur mevel a nehon.

Mæs er meluel ingrat hac hemb truhé erbet ,
 E léh er soignein mad èl ma oai commandet ,
 El laquas én exprès étré dihue goh vangoë̄r ,
 El léh ne oai jamæs na confort na splandér.

Hac open en dra-zé , en ol serviterion
 Ne ren ná noz na dé repos erbet dehon :
 Er villan sottisseu ha canveu a bep quis
 A oai douçan conzeu a larant d'Alexis.

Lod a daulai doh-t-on scupadurieu en ly ,
 Lod aral pep sort stronec a pep sort loustery ;
 Réral er scrabissé bag a dennai é varhue ,
 Et fin ne rent baundé meit desirein é varhue.

Alexis a souffrai guet ur gùir bariantet
 A gaus d'en Eutru Doué ha d'é Vam beniguet ;
 Mæs , allas ! ne oai quet en ol anjulieu-cé
 A laquai é speret én anquin ha tristé.

Doh un tu é cleuai é dad peur é ouilein ,
 Doh un al é uélai é vam é huannadein ;
 E briet Olimpi a grevai é crial ,
 Én ur pèn ag en ty bedic er pèn aral.

Ah ! me mab Alexis ! emé Euphemien ,
 Mèn é oai me avis a hou ç'alliancein ;
 Mé-é a zou caus mad ma hoës me dilezet ,
 Rac ne oai quet d'hou crat quemérein ur pried.

A possibl a vehai en emb behai ur mab ,
 Hac em dilezehai én anquin ha huannad ,
 E léh bout hiritour deign ha d'em ol donné ,
 Ha carguet a inour durant é ol yuhé.

Me mab a garanté , emé er vam beur-hont ,
 Petra mès groeit didé p'em lesès én hirvout ,
 Mé mès a conservet itré men digosté ,
 Me mès te oulenet déguet en Eutru Doué.

Ha breman t'em dispris , dinatur a galon ,
 T'em dilèz , Alexis , hemb consolation !
 Ah ! preparer ur bé aveit me interrein ,
 Paré eu mem buhé , ne fent quet mui bihuein.

Alexis , Alexis , a larai Olimpi ,
 Me fried Alexis , é péh bro é hoh-hui ?
 Ha possible vai laret é vehen intanvès
 Ag en noz destinet aveit bout Rouannès.

Scuillet , men deulegad , dareu én abundance ,
 Mal eu deign ancoéhat pep sort rejouissance ,
 Ne gavér Alexis énep léh ar en doar ;
 Doué ag er Baraouis , na brasset ur glabar !

J'Alexis a gleuai én é léh disconfort
 Er n'ol glahareu-zé ha réral a bep sort :
 E r c a huélai é dad , é yam hac é brièd
 Er passein liés mat étal d'hou glaharet.

Alexis a vihuas ér stad truhéus-cé
 H uet ur batiantet vrás en durant sentec vlé ,
 F la jamæs n'hum glemmas ag er serviterion ,
 Nac a é boéniu bras a oai én é galon.

Rac Doué a gonservai Alexis é vignon
 Durant er poénieu-zé idan é brotection ;
 Jamæs chonge hemb quin ne dostai d'é galon ,
 Na desir de sentein doh en tantation.

Ean a vivai bamdé guet gùir devotion ,
 Ha perpet é vezai é hobér oræson ;
 Peb Sul é covessai guet gùir contrition ,
 Hac en hum honfortai dré er Gommunion.

Anfin Doué a vennas recompansein er Sant
 Ag er benigen vrás hac é ol castimánt
 En doai anduret aveit pligein dehon ,
 Er bassas ag er bed d'er Baraouis guet-on.

Hac open en dra-zé , Doué a laras dehon
 En dé mar varvezai dré révélation ;
 Nezé é commanças-trugairicat Jésus ,
 Ag é garanté vrás guet ur galon joyus.

Nezé ean a scrivas ar ur fallen papér
 Er péh e anduras durant é ol amzér ;
 É hanhue a zisclérias hac ol a boént de boént
 Er péh en obligeas de guittat é guerent.

A pen doai scrivet ha requetet Jesus
 D'el lemel ag er bed én ur momant curus ,
 É plégas er papér én é zorn beniguet
 Aveit gortoz en ær , el ma oai révélet.

El ma tispartiai é gory döh é ineu
 E tas pront aberh Doué ur voéh a lein en neu,
 Ha dré voyant un AEL a gonzas evel-men :
 Clasquet en dén santel é ty Euphemien.

Er Pab hac er Roué, ha memb tad Alexis,
 A gleuas er voéh-cé, èl ma oent én Ilis ;
 Hac int monnet aben, hemb tardein ur momant,
 De dy Euphemien aveit gùélet er Sant.

E oai é creis er place én é gambric tihouel ;
 Goleit e oai é face idan ur goh vantel ;
 Hac a p'el lamezant é oai é face santel
 Quer caér ha quer brillant èl pe vai bet un AEL.

Mæs a pe vennezant lemel er villetten
 A oai é dorn er Sant aveit assai é len ,
 Ne lezas quet é dad na guet dén a nehon ,
 Que ne dostas er Pab de oulen de gueton.

N'en dès dén ar en doar na ne vou birhuiquin ,
 A laro er glahar, en hirvoud , en anquin .
 A oai én ur momant é ty Euphemien ,
 A pe gommancezant de leue er villetten.

E dad a pe gleuas hanhue é vab Alexis,
 Ilac er péh a souffras én é dy é Peb quis ,
 A lausquas un taul cri ihuel ha truhéus ,
 Que pe sonnas é dy guet ur voéh glaharus .

En anquin a vouguas er gonz én é galon ,
 Quentéh èl m'er sellas é couéhas étal don ,
 Que ne chongeai en ol péré a oai presant ,
 Penaus é hai de gol isprid ha santimant .

Mam er Sant a gleuas er voéh glaharus-cé ,
 Ha quentéh hé ridas aveit gout petra oé :
 Mæs er vam beur, allas ! pe hanavas hé mab ,
 A gouéhas ar er place semblet guet er glahar .

Er Brincès Olimpi oai d'er-llué hé hunon,
 Er erpet é melconi hac én affliction ;
 E rIæs a pe zisquennas, ha ma huélas é dén,
 Er Iac a p'en hanavas, ah Doué ! pebhé anquin !

Deoh oai é ouilen a houdé pêl amzér ,
H Ha hui a glasquen ha bout a hoaih ér guér ;
J Diar ur guir pé deu hé couéhas ahétet ,
 Béet guet en dareu , étal treid hé Fried.

Hennen-é, Christenion, buhé Sant Alexis,
 En nemb a reï èl d'on a yeï d'er Baraouis ;
 N'en dé quet er madeu nac inourieu er bed
 A gondui d'er joyeu er Sænt ha Santezet.

Allas ! na liasset é laq er péhour peur
 E ol studi ér bed, éa argant hac én eur ,
 E léh chervigein Doué èl m'en dé obliget,
 E basse ol é vuhé é folleaheu er bed.

Digueor enta, péhour, digueor a zeulegad;
 Distro doh te Groéour ha considér erhat ;
 Considér hoah ur huéh é ma te ineu peur
 Préciussoh mil gùéh aveit argant nac eur.

Sellet hoah guet truhé, Jesus Salvér er bed,
 Sellet hoah a druhé doh ur péhour calet ;
 Distaguet é galon doh inourieu er bed ,
 Hac ansaignet dehon en hent de vout salvet.

FIN.